



Folkhälsomyndigheten

Sulle joka meinaat vaksineerattaa itteä

# Covid-19 vaksinasuunista

Tämä informasuuni saattaa olla tuki sulle ennen ja jälkhiin vaksinasuunia.

Covid-19 oon kauhean tarttuva ja vakava saihraus. Vaksinasuuni oon paras tapa ette suojata itteä vakavaa covid-19 vasten ja ette vähentää riskiä ette saihraus leviä muile henkilöile. Vaksinasuuni covid-19 vasten oon vapahtonen ja ilhmainen Ruottissa. Net vaksiinit jotka käytethään Ruottissa oon tähelisesti testattu ette net oon varmat käyttää.

## Ennen vaksinasuunia

Rekiuunit oon vastuuliset covid-19 vaksinasuunista. Webbipaikala 1177 Vårdguiden oon informasuunia koska ja missä sie saatat vaksineerata itteä sinun rekiuunissa. Ennen vaksinasuunia sie saat täyttää terhveysilmotuksen joka jätethään sille joka antaa vaksinasuunin.

## Näin vaksinasuuni tehään

Sie piät tuntea ittesti aivan terhveeksi ko sinua vaksineerathan. Saihraanhoitaja antaa sulle vaksiinin pruuatala käsivartheen. Se riippuu sinun iästä minkä vaksiinin sie saat. Ko sie olet saanu pruuat sie piät oottaa 15 minuttia siinä paikassa jossako sie olet saanu vaksiinin, ette tuntea ette sie voit hyvin.

## Vaksinasuunin jälkhiin

Sivuvaikutukset oon tavalisia vaksinasuunin jälkhiin, esimerkiksi ette käsivartta kipuaa pruuat jälkhiin, ette sie tunnet väsymystä, vähästä kuumetta elikkä päänsärkyä. Net oon normaalia reaksuunia kropan imynisuojalta ja menevät useasti yli päivän päästä.

Vakavat sivuvaikutukset oon kauhean harvinhaiset. Mutta jos sie saat vakavia sivuvaikutuksia vaksinasuunin jälkhiin, elikkä uusia soihreita joitako sie et tunne, sie piät ottaa yhteyttä hoijon kansa ja selittää ette sinua oon vaksineerattu covid-19 vasten.

## Näin vaksiinit toimivat covid-19 vasten

Vaksinasuunin jälkhiin kropan imynisuoja rakentaa suojan covid-19 vasten. Se ei ole varma ette kaikin jotka oon vaksineerattu saavat kokohnaisen suojan, mutta jos sie sairastut sie saat toennäkösesti lievemän muoton saihrausta. Kunka pitkhään suoja kestää covid-19 vaksinasuunin jälkhiin saattaa vaihtella henkilöitten välissä. Ette saaja jatkuvan voimakhaan suojan vakavaa covid-19 vasten se oon tärkeätä ette sie seuraat niitä suositteluja jotka jällaavat täyttöannoksille.

## Jatka suojaahmaan itteä ja muita

Kaikila oon oma vastuu ette topata tarttuvitten tautitten leviämistä. Vaikka sie olet vaksineerattu sie piät jääjä kotia jos sie olet sairas. Se oon kansa tärkeätä ette sie piät itteä ajantasotettuna mikkä tartuntasuojatoimenpiteet jotka jällaavat.

## ONKOS SULLA KYSYMYKSIÄ?




Se oon tavalista ette oon kysymyksiä ennen vaksinasuunia. Kansanterhveysviraston webbipaikala oon lissää informasuunia covid-19 vaksinasuunista.

[folkhalsomyndigheten.se](https://www.folkhalsomyndigheten.se)

Webbipaikala 1177 Vårdguiden oon informasuunia koska ja missä sie saatat vaksineerattaa ittestiä siellä jossako sie asut.

[1177.se](https://www.1177.se)



Vaccination  
mot covid-19